



SIARAN AKHBAR

S.A. 2021/01/20 (HQ)

KELANTAN TERIMA BEKALAN SEPENUHNYA DARI GRID

- Hanya 20 pencawang ditutup di Pahang
- Tiada pencawang ditutup di Johor

Pencawang elektrik di seluruh negeri Kelantan mendapat bekalan sepenuhnya dari grid berikutan keadaan banjir yang semakin surut di negeri itu.

Tenaga Nasional Berhad (TNB) juga telah menutup bilik gerakan bermula semalam berikutan penutupan Pusat Kawalan Operasi Bencana (PKOB) bagi daerah Tanah Merah.

Semua pencawang elektrik di Kelantan yang sebelum ini terjejas akibat banjir kini telah dipulihkan sepenuhnya oleh TNB.

Dalam pada itu, sebanyak 20 pencawang elektrik di negeri Pahang dihenti tugas sementara setakat jam 2 petang hari ini, melibatkan 725 pengguna di daerah Pekan, Temerloh dan Bera. Enam pencawang mendapat bekalan melalui set janakuasa bergerak.

TNB turut memberi bekalan melalui set janakuasa mudah alih kepada lapan pusat pemindahan sementara yang tidak menerima bekalan daripada pencawang.

Di Johor pula, tiada lagi pencawang elektrik ditutup hari ini berikutan paras banjir yang semakin menurun berbanding satu yang ditutup semalam.

Penutupan pencawang elektrik ketika banjir dilakukan demi keselamatan pengguna dan TNB sentiasa berusaha memulihkan bekalan dengan mengambil kira aspek keselamatan pengguna dan pekerja TNB.

Bilik gerakan TNB di Pahang, dan Johor masih beroperasi untuk tujuan pemantauan selain bagi menyampaikan maklumat berkaitan bekalan.

Pengguna di kawasan banjir dinasihatkan untuk sentiasa mematuhi arahan pihak berkuasa sekiranya diminta berpindah dan menghubungi TNB Careline di talian 15454 jika ada pemasangan TNB, Pihak Berkuasa Tempatan (PBT) mahupun Jabatan Kerja Raya (JKR) yang beralih atau tumbang.

Sentiasa jauhkan diri daripada menghampiri tiang elektrik, pemasangan elektrik dan kabel elektrik- termasuk yang bersalut dengan penambat yang ditenggelami air. Semua ini mungkin masih mempunyai arus bekalan elektrik dan boleh menyebabkan risiko renjatan.

Orang ramai juga dinasihatkan agar berhati-hati ketika menggunakan peralatan elektrik jika premis mereka dinaiki air. Elakkan menyentuh alat elektrik atau suis dengan tangan yang basah dan lembap kerana ia boleh menyebabkan renjatan elektrik.

Setelah banjir surut, pengguna disaran untuk mendapatkan khidmat kontraktor pendawaian yang berdaftar dengan Suruhanjaya Tenaga bagi memeriksa pendawaian di dalam premis mereka yang dinaiki air.

Dikeluarkan di Kuala Lumpur pada 13 Januari 2021, jam 6:30 petang
Untuk pertanyaan lanjut media, sila hubungi Fitri Majid 013-3626923 /
Grace Tan 016-6626229 / Nasir Aziz 018-9434524
atau emel kami: media@tnb.com.my



Warga kerja TNB Pahang melakukan kerja membaiki talian elektrik di Raub yang rosak akibat tanah runtuh.